

IZJAVA DANA



Milorad Dodik premijer
Republike Srpske

Distrikt Sarajevo samo je san političara iz Federacije Bosne i Hercegovine

DOBAR LOŠ ZAO



DANILO TURK

Slovenski je predsjednik kazao kako je sada pravo vrijeme za debatu o ustavnim promjenama u Bosni i Hercegovini, te kako društveno uređenje ne treba zavisiti od etničkog faktora.

OPĆINSKI SUD TUZLA

Samo je po, doduše, nepravosnažnoj odluci Sudskog vijeća Općinskog suda u Tuzli vozač Jasmin Mašić kriv zbog seks-afere na sarajevskom Pravnom fakultetu. Dobio je godinu, ali do pravosnažnosti presude bit će na slobodi. Profesori Fuad Saltaga, Zdravko Lučić, Bajro Golić i Sanjin Omanović mogu biti zadovoljni.



JAVIER SOLANA

Visoki predstavnik EU za zajedničku vanjsku i sigurnosnu politiku dao je snažnu potporu novom visokom predstavniku međunarodne zajednice u BiH Valentinu Inzku. Austrijancu, dakako, neće trebati samo tapšanje po ramenu, nego konkretna, što, zapravo, znači jedinstvena europska politika u našoj zemlji.

ČETNIKOVANJE

Na više od 500 ravnogorskih glava zatreslo se u petak, u Draževini kod Višegrada, na šubari cvijeće, a u spomen na vojvodu im i ratnog zločinca Dražu Mihailovića. Manje ih je nego lani, ali još dovoljno da bolno podsjetu na pokolj 3.000 Bošnjaka na višegradskom mostu u ovom ratu.



VIJEST U BROJU

3,2

miliona konvertibilnih maraka uložila je Federacija BiH u rekonstrukciju zgrade Geodetskog zavoda, ne, dakle, četiri miliona KM, kako neki tvrde.

Hoće li slučaj Medara ostati u banjalučkom sudu?

Memišević će tražiti prebacivanje u Sud BiH

Zar nazivanje zločina pravim imenom poslije 16 godina treba smatrati uspjehom, pogotovo ako se zna da je već jedan od tri optužena van dometa pravde?

Nakon što se na glavnom pretresu u slučaju Medara i ostali nije pojavio ni drugi od tri optužene osobe za krivično djelo ratnog zločina, ubistvo i tri silovanja, porodica jedne od žrtvi Maide Medare još je odlučnija da povede novu pravnu bitku za prebacivanje tog predmeta u Sud BiH.

Sumnja

Njima se pridružila i aktivistkinja Društva za ugrožene narode - odjel BiH Fadila Memišević, koja samo čeka zvaničnu informaciju iz Okružnog suda u Banjoj Luci, zbog spomenutog izostanka, o odgođenom pretresu.

- U ime porodice i u ime Društva za ugrožene narode, zatražit ćemo razgovor s voditeljem odjela za ratne zločine pri Sudu BiH i s predsjednicom Suda. Ima više elemenata zbog kojih se mora osnovano sumnjati u regularnost ovog procesa - tvrdi Memišević, kojoj je tužiteljica Remzija Smajlagić rekla da je optuženi Trivić na pretres pozvan telefonski.

Istovremeno, tužiteljica Memiševićevoj nije znala objasniti zašto se, zbog prekvalifikacije predmeta sa „običnog“ zločina u ratni nije odmah išlo i na određivanje pritvora za Miladina Trivića, utoliko prije što je jedan od trojice optuženih Siniša Milojević pobjegao u Švedsku i dobio njihovo državljanstvo.

- Rekla mi je (kao i nama, uostalom, op.a.) da se Trivić



Fadila Memišević: Ratni zločin mora imati i takav tretman



Maida Medara: Tog dana je bila završila srednju školu

PREKVALIFIKACIJA

Tužiteljica nije znala objasniti zašto se, zbog prekvalifikacije predmeta sa „običnog“ zločina u ratni, nije odmah išlo i na određivanje pritvora za Miladina Trivića, utoliko prije što je jedan od trojice optuženih Siniša Milojević pobjegao u Švedsku i dobio njihovo državljanstvo

do sada uredno odazivao, što je tačno, ali sada je izmijenjena optužnica, potpuno su nove okolnosti - ističe Memiševićeva, prisjećajući se posljednjeg pretresa na kojem se ona osjećala poniženom.

Uspjeh medija

- Mogu samo misliti kako je bilo porodici Medara! Zamislite situaciju u kojoj sudinica usred pretresa, dakle pred porodicom žrtve, poziva više puta advokata optuženog da on mobitelom zove svoga klijenta. Sve je bilo kao dio nekog cirkusa.

Poslije 16 godina od zločina, porodica Medara nije zaslužila takvo maltretiranje i takav šlamperaj - govori Memiševićeva, dodajući da joj smeta ushićenje nekih zbog toga što je zločin konačno nazvan pravim imenom.

- To nije uspjeh pravosuđa, nego medija - tvrdi Fadila Memišević.

Porodica Medara je prije skoro tri godine već tražila da se procesuiranje vrši u Sudu BiH, što je odbijeno zbog tadašnje kvalifikacije krivičnog djela.

E. KAMENICA

VIJEST U OBJEKTIVU

Snimio: Didier TORCHE

Izbaciti termin "invalidi"

Da, mediji su vrlo često i sami slijepi u odnosu na sve ono što čini život jedne slijepice osobe. Nakon jučerašnjeg susreta novinara i predsjednika Udruženja slijepih osoba KS-a Fikreta Zuke, a koji je organizirao Helsinški parlament građana i Fondacija CURE, jasno je da će barem novinari što su se odazvali na drugu iz X-PRESS sesija tih asocijacija u svojim budućim priložima voditi računa i o terminologiji.



Ana Vuković, direktorica Gender centra Federacije BiH

Prijeti eskalacija nasilja u obitelji

Kriza koja dolazi najprije će se odraziti na obitelj • Žrtve sve hrabrije, broj prijavljenih slučajeva nasilja sve veći



Razgovarala: Jasna FETAHOVIĆ

Iza nas je Nedjelja ravnopravnosti, tradicionalna martovska manifestacija, koju organiziraju Agencija za ravnopravnost spolova BiH te entitetski gender centri. Ova Nedjelja ravnopravnosti bila je fokusirana na nasilje u porodici. O tome smo razgovarali s direktoricom Gender centra Federacije BiH Anom Vuković.

• **Kakav je položaj žena u BiH?**

- Položaj žena nije zavidan. Istina je da su svi u ovoj zemlji u nezavidnom položaju. Svjedoci smo da, zbog recesije, radnici dobijaju otkaze, ali još nitko nije napravio analizu o tome koliko je među njima žena. Vjerujem da one u tome prednjače, jer znate ono: siromaštvo ima lik i naličje žene. Osim siromaštva, to je i tradicija, uvrijeđeni stereotipi. Moramo biti svjesni da žena nikad nije bila opterećenija nego sada. Ravnopravnost ženama daje dodatni napor da bi postigle sve što moraju na poslu, kući, s djecom... a to nije lak posao.

• **Je li porodično nasilje u porastu?**

- Gender centar je, kroz strateški plan prevencije nasilja u obitelji, akcentirao stavio na edukaciju. Mislim da je to najvažnije. Ako je za djecu prihvatljivo ponašanje da je jedan roditelj žrtva, a drugi nasilnik, u 90 posto slučajeva možemo očekivati da dijete pokaže nasilničke sklonosti. Sad želimo naš strateški plan povezati s



Ana Vuković: Siromaštvo ima lik i naličje žene

Foto: DŽ. KRIJEŠTORAC

ŠEST SIGURNIH KUĆA U Federaciji BiH ima šest sigurnih kuća; mi želimo postići cilj: jedna sigurna kuća na 10.000 stanovnika

državnim planom prevencije maloljetničke delinkvencije. Nasilje u obitelji je sve donekadno bio privatni problem. Donošenjem zakona o zaštiti od nasilja u obitelji, to je postalo javni problem. Broj pri-

javljenih slučajeva obiteljskog nasilja je u porastu. Žrtve su se ipak ohrabrine prijaviti nasilje. Strahujem da bi, zbog krize koja dolazi, a koja se najprije odrazi na obitelj, moglo doći do eskalacije nasilja.

• **Kakvu zaštitu imaju žrtve porodičnog nasilja?**

- Mi sad imamo nacrt zakona o zaštiti od nasilja u obitelji i nadam se da će on brzo biti usvojen te će se početi primjenjivati. Novi zakon predviđa izricanje zaštitnih mjera te, po prvi put, tretira i sigurne kuće, njihovo financiranje i funkcioniranje. Nažalost, izricanje zaštitnih mjera, udaljenje iz stana ili kuće, dosta se teško provodi. Posebno kad je žrtva je ekonomski zavisna od nasil-

DODATNI NAPOR Ravnopravnost ženama daje dodatni napor da bi postigle sve što moraju na poslu, kući, s djecom... a to nije lak posao

Dugoročni strateški ciljevi

• **Šta predviđa strateški plan o prevenciji nasilja u porodici?**

- Strateški plan je okvir djelovanja za sve institucije odgovorne za prevenciju nasilja u obitelji iz oblasti zdravstva, obrazovanja, socijalne skrbi, sigurnosti i pravosuđa.

Dugoročni strateški cilj je osigurati usklađeno i odgovarajuće preventivno djelovanje tijela vlasti na svim razinama, kao i nevladinih organizacija u sprečavanju nasilja u obitelji. Uspostavljanje SOS telefona dio je tog plana i primjer saradnje s NVO.

Također, izrađeni su promotivni radio i televizijski spotovi, a planirana je i kampanja edukacije i senzibilizacije javnosti o problemu nasilja u obitelji.

nika. To je problem koji zahtijeva dugoročno rješavanje. Naš SOS telefon 1265 žrtva može nazvati bilo kad u toku 24 sata, on je besplatan. Žrtva će biti putem telefona povezana s najbližom sigurnom kućom i stručnjakom koji radi sa žrtvama nasilja te socijalnim službama. U Federaciji BiH ima šest sigurnih kuća. Mi želimo postići cilj: jedna sigurna kuća na 10.000 stanovnika. Od početka godine, koliko radi SOS telefon 1265, prijavljeno je više od 200 slučajeva nasilja. To pokazuje da žene sve manje trpe nasilje, i to ohrabruje. Nasilnika može i mora prijaviti bilo tko. Znači da u susjedstvu imate obiteljsko nasilje, a ne prijavite ga, zakonski ste odgovorni i bit ćete kažnjeni.

• **Ko su najčešće žrtve porodičnog nasilja?**

- Žene, djeca i roditelja su najčešće žrtve, iako ima i muškaraca žrtava. I tu vlada stereotip

STEREOTIP Vlada stereotip da se muškarci teško odlučuju prijaviti da su oni, glava porodice, žrtva; mi taj stereotip moramo razbijati

i muškarci se teško odlučuju prijaviti da su oni, glava porodice, žrtva. Mi taj stereotip moramo razbijati. Edukacija je jedini način. Mediji imaju veliku ulogu u tome jer svi skupa moramo djelovati da bismo razbili te stereotipe. Nasilje o kom govorimo najčešće je fizičko. Sve se više prepoznaju i drugi oblici nasilja: ekonomsko, emocionalno, psihološko... Žrtve tog nasilja negiraju da njihova obitelj ima problema, utučene su...

TAKOREĆI ODLUČNO...

Kad god se nasamo sastanu čelnici Hrvatske demokratske zajednice 1990 i Hrvatske stranke prava BiH Đapić - dr. Jurišić stižu nam odlučne poruke. Tako je bilo i krajem ove sedmice, kada su, zbog Razvojne banke Federacije BiH, napali strateške partnere - Stranku demokratske akcije i HDZBiH. No, ta je odlučnost i principijelnost obično kratkog vijeka. Naime, čim im Dragan Čović zapucketa prstima, žurno se, baš kao nedavno u Mostaru, odazivaju njegovom postrojavanju.

